


KOMMUNIMUT PILERSAARUMMUT TAPILUSSAQ 4C7-1

Mitsimmaviup qeqqa, Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqtillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinisseq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 4C7-1 inaarutaasumik atuutilersutut tamanut nalunaarutigineqarpoq ulloq 14.03.2018.

Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	6
	1.5 PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	7
	2.1 PINGAARNERTUT AALAJANGERSAKKAT	7
	2.2 AALAJANGERSAKKAT SUKUMIISUT	9
3	AKUERSINERMUT UPPERNARSAAT	14
4	ASSI ILANNGUSSAQ	15

1 NASSUIAAT

Una tapiliussaq immuni kommunimut pilersaarummut tapiliussat 37-saat uunga "Nuummur pingaarnertut aaqqissuussaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Sumiiffik Qinnigutsinni kujasinnerpaamiippoq, Aqqusineq Dronning Margrethe II kujammur kitaaniilluni. Sumiiffik inissiaqarfissatut immikkoortinneqarpoq, tamannalu qitiusoqarfinnik assigiinngitsunik annikitsunik sanaartorfissanngorlugu allanngortinneqarpoq, kisianni aamma inissialiorfissatut.



Ilisarnaatinut nassuiaatit

Immikkoortup ilaa pioereesoq	Inissiaqarfik A	Nunaminertaq sanaartorfieqqusaanngitsooq D
Immikkoortup ilaa nutaaq	Siliffeqarfeqarfik B	Teknikkikkut atororissaarutit kiisalu attaveqaatitigut atororissaarutit E
Inissiat/illut pioereersut	Illoqarfiup qeqqa C	

Pioereersunut killigititat immikkoortullu ilaa nutaaq titarnernik aappaluttunik ilisarnaateqarput.

Kommunimut pilersaarummut tapiliusaaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut inuussutissarsiornermut siunertaqartunut atugassatut naatsorsuunneqarpoq, qulaani assi takuuk.

Kommunimut pilersaarummut tassunga immikkoortup ilaa nutaaq immikkoortinneqassaaq, sumiiffiullu atuuffissaa allangortinneqassaaq qitiusoqarfinngortillugu, suliffeqarfiit nipiliorfiunngitsut inissiallu quleriaat.

1.2 SIUNERTAA TUNNGAVILU

Kommunimut pilersaarummut tapiliusaaq suliarineqarpoq inissialiornissaaq, pisiniarfiliornissaaq, allaffeqarfiliornissaaq, sullissiveqarfiliornissaaq allanillu qitiusoqarfinnik sanaartortoqarnissaanut periarfissaqalersinniarlugu.

Kommunimut pilersaarummut tapiliussami tunngaviit tassaapput:

- Immikkoortup ilaata qitiusutut atorneqarnissaa aalajangiunniarlugu
- Pisiniarfiit, inuussutissarsiorfiit, nammineerluni inuussutissarsiorfiit inissiallu pilersinneqarsinnaanerisa periarfissaatinnissaaq
- Immikkoortoq pisuinnaat aqputaat pioreersut immikkoortumilu isikkiviit eqqarsaatigalugit aalajangiiffiqineqassasooq,
- Najugaqartunut illoqarfiullu innuttaanut uninngasarfiit illoqannginnersallu pitsaasuunissaaq atorluarsinnaanissaallu qulakkiissallugit,
- Immikkoortup ilaani nunaminertat sanaartugassanut illulianullu atuuttuartaanngitsunut kisiannili utaqqiisaa siunertanut atorneqarnissaaq qulakkeerneqassasooq,
- Aqqusineq Dronning Margrethe II-mit aqqusineqarluni tikinneqarsinnaanissaa qulakkeerneqassasooq, nunap assingani takuneqarsinnaasutut 4C7.

1.3 PISSUTSIT ATUUTTUT

Nunaminertaq tamakkerluni 0,8 ha miss. annertussuseqarpoq. Aqqusineq Dronning Margrethe II Qinngutta kujasinneraani inissisimalluni.

Immikkoortoq Aqqusineq Dronning Margrethe II kangimut killeqarpoq, kimmullu immikkoortoq 4A7-mut killeqarpoq, sulilu kangisinnerusumut 4A9-mut killeqarluni.

Sumiiffik ullumikkut sanaartorfigineqanngilaq, kisiannili sinerissamut qanittumi kaajallattarfimmik aqquteeraqarpoq.

1.4 PILERSAARUMMI PINGAARNERIT

Kommunimut pilersaarummut tapiliussami matumani immikkoortup ilaanut 4C7-imut immikkuualuttunik aalajangersaasoqassaaq, ataatsimoorussaqaarfimmut tassunga ilanngullugit qitiusoqarfik inissialiorfissalik, pisiniarfiliorfissalik, suliffeqaarfinnillu nipiliorfiunngitsunik pilersitsiffissartalik.

Immikkoortup ilaata 4C7-p pilersaarusionera pingaarnertut Masterplan 2017 Nuuk City Development-imit aallaaveqarpoq, matumani qitiutinneqarnerulluni qitiusoqarfimmik nutaamik pilersitsinissaq, nutaamik qitiusoqarfiliornissaq sullissiveqarfittalimmik, Qinngutsinni Nuullu sinnerani innuttaasunik sullissiveqarfissamik.

Inissiani quleriaani pisiniarfiliornissamut, allaffeqaarfiliornissamut, inini allerni sullissiveqarfiliornissamut, Aqqusineq Dronning Margrethe II tungaanut sammisunut periarfissiisoqassaaq.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusionermut inatsimmi § 30*)

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnertut aamma aalajangersakkanit pingaarnertut nikingasoornerit pissutigalugit nutaamik kommunimut pilersaarummut tapiliussaliortoqassaaq. (*Pilersaarusionermut inatsimmi § 50*)

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inissianut siunertat	Nalinginnaasumik atuineq: C – Qeqqqani siunertanut Immikkut ittumik atuineq: C2 – Ataatsimoorussiffissat

2. Atorneqarnera	
Sumiiffiup atuuffissaa inissiaqarfissanngorlugu aalajangersaaffigineqassaaq siammasissunik pukkitsunik inissialiorfigalugu ilaqutariit ataatsit illuunik imaluunniit illunik affarleriinnik, inissianik eqimasunik pukkitsunik soorlu uiguleriiaanik assigisaannilluunniit aammalu inissiarsuarnik quleriiaanik. Qinngutsinni kuuffissuup kuuffianut pingaarnermut tunngatillugu saliiviliortoqarsinnaavoq.	Immikkoortup atorneqarnera atugassanik pisiniartarnerup iluani pisiniarfissuaqarnermut, tamat aqqusaartugassaannut namminersortullu kiffartuussinerannut, inissiaateqarnerannut, akunnittarfeqarnerannut, neriniartarfeqarnerannut kiisalu pisortat allaffeqarfiinut suliffeqarfiinullu aalajangersarneqassaaq.
3. Sanaartukkat	
Inissiat siammasissut pukkitsut ataatsimik quleriillit tikillugit sananeqarsinnaapput, inissiat pukkitsut eqimasut quleriit marluk tikillugit sananeqarsinnaapput aammalu inissiarsuit arfinilinnik quleriillit tikillugit sananeqarsinnaallutik. Nutaamik sanaartorneq pitinnagu immikkoortoq tamakkerlugu ataatsimoortumik pilersaarusiortoqassaaq sunik sanaartortoqarnissaanik, qanoq annertutigisumik inissisimaffissaalu kiisalu immikkoortup allangoriartorneranut sukumiisumik aalajangersakkat aalajangersarneqaaqaassapput.	Quleriit sisamat tikillugit portutigisunik illuliortoqarsinnaavoq.
4. Inissaqassuseq	
Immikkoortup ilaa inissianut 175-mik amerlatigisunut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani illuliornissanut periarfissat nunguppata immikkoortup ilaa tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.	Immikkoortup ilaa 0,8 ha-it missaannik annertussuseqarpoq. Immikkuualuttup ilaa C-nut siunertanut 1000 m ² -isut annertutigisumik sinneruttumik qitiusoqarfissamik inissianullu 60-inut inissaqarpoq, illut inaarutaasumik ilusilersorneqarnerat apeqqutaalluni. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
Sumiiffimmut pisulluni aqquteqalernissaa qularnaarneqassaaq.	<i>Immikkut ittunik aalajangersagaqanngilaq</i>
6. Nunaminertat piumasaaqatitaqarfiusut	
Narlorissumik aammalu suluunnartut ilusilimmik mittarfiup tallilerneqarnerani mikkiartornermi	Narlorissumik aammalu suluunnartut ilusilimmik mittarfiup tallilerneqarnerani mikkiartornermi

<p>qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.</p> <p>Qaartiterutissaasivimmut isumannaallisaanermut killeqarfeqarfimmut sumiiffik ilaavoq. Sumiiffiup ilaa tamanna illuliorfigineqassanngilaq allatulluunniit killeqarfimmut aalajangersakkanut naapertuutinnngitsumik atorneqassanngilaq. Qaartiterutaasiviup isumannaallisaanermut killigititaa sumiiffimmi angalanermi ataqqineqassaaq, taassumali ilaa ungaluneqarsimannngitsoq tamanut ammaannassaaq.</p>	<p>qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassanilu illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.</p> <p>Qaartiterutissaasivimmut isumannaallisaanermut killeqarfeqarfimmut sumiiffik ilaavoq. Sumiiffiup ilaa tamanna illuliorfigineqassanngilaq allatulluunniit killeqarfimmut aalajangersakkanut naapertuutinnngitsumik atorneqassanngilaq. Qaartiterutissaasiviup isumannaallisaanermut killigititaa sumiiffimmi angalanermi ataqqineqassaaq, taassumali ilaa ungaluneqarsimannngitsoq tamanut ammaannassaaq.</p>
7. Aqqusinertigut angallanneq teknikkikkullu pilersuinerit	
Sumiiffik Suloqqamut aqqusineqarpoq.	Sumiiffimmi aqqusineq tassaavoq Aqqusineq Dronning Margrethe II.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanit sukumiisunit immikkut akuersissuteqartoqarsinnaavoq.

Immikkuualuttoq
1. Inissialiat inissinneqarnerat
<p>Imm. 1: Sanaartukkat inissialiallu nutaat assimi ilanngussami 4C7-mi sanaartorfittut takutinneqartutut inissinneqassapput. Tamanna aamma illunut mikinerusunut soorlu sikkiliisivinnut, sakkuusivinnut, teknikkimut atortuusivinnut/atortulersuutinut assigisaannullu atuuppoq.</p> <p>Imm. 2: Sanaartukkat nutaat 2-4-nik qulereeqarsinnaapput, portunerpaamik 16 meterit angullugit.</p>

Teknikkikkut atortulersuutit soorlu silaannarissarfiit, elevatorit assigisaallu portussutsinik killilersuinernut ilaatinneqanngillat.

2. Inissialiat isikkui

Imm. 1: Sanaartukkat nutaat seqinermut, anorimut isikkivimmullu sammitillugit ilusilersorneqassapput, kiisalu avatangiisit eqqarsaatigineqassallutik.

Imm. 2: Sanaartukkat tassaassapput illut takisuut, kipparissut ataatsimoortut imaluunniit siammasissut. Aqqusineq Dronning Margrethe II tungaanut illut saqqai inini allerni ammasumik assigiissumik isikkoqassapput.

Imm. 3: Sanaartorfissani ataasiakkaani illuliat illulioriaaseq, atortussat qalipaattillu eqqarsaatigalugit ataatsimoortutut isikkoqartinneqassapput.

Imm. 4: Illuliat – tassunga ilanngullugit quit assigisaallu – atortussat soorlu qisuit, igalaamerngit, eternit, ujaqqat, zink, aluminium, sisak betoniluunniit atorlugit sanaajussapput. Eqqaamiut saneqquasullu eqqarsaatigalugit illut silataasa iigai qinngorneqarlutik inngianartuussanngillat.

Imm. 5: Qaliat qaavi minnerpaamik gradinik sisamanik uingatillugit aamma qalissiamik taartumik, zinkimik, kanngussamik, qisunnilluunniit qalliuserlugit qaliat qaavisut qorsuusutut ilusilersorneqassapput (issuatsiaanik ivikkanilluunniit) inngiasutsitsissanngillalli. Tamakkunanga ilanngutinngitsuukkat tassaasinnaapput aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Aniinganerusinnaasut, qaliat igalaarisinnaasaat assigisaallu qaliat qaavini naleqquttumik inissinneqassapput.

Imm. 6: Seqerngup qinngornerinik katersuissutit, seqinisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat, imm. 2.4 takuuk.

Imm. 7: Aneerasaartarfiit qaliallu aneerasaartarfii seqerngup sammivia illullu titartarneqarnera eqqarsaatigalugit inissinneqassapput. Aneerasaartarfiit 1,5 meterinit takinerusumik atitussuseqassanngillat.

Imm. 8: Tummeqqat qalialiartarfiit illup timitaanut ilaatinneqassapput.

Imm. 9: Silaannarissarfiit, elevatorit, pujoorfiit assigisaallu illup titartarneqarnerata ilaatut ilanngunneqassapput. Qalia illup saqqaasa tallimaattut isigineqassaaq, pingaartumik illu qanittumiittoq qaliamut isikkiveqarpat.

Imm. 10: Allagartarsuit illup ilusaa titartarneqarneralu naapertorlugit ilusilersorneqassapput. Allannerisa angissusaasa 2 m²-it sinnissappassuk ikkussinissamut Kommuneqarfik Sermersooq qinnuteqaateqarfigineqassaaq.

3. Aqquserngit aqqusineeqqallu

Imm 1: Aqqusineq Dronning Margrethe II-mit aqqusineqartinneqassaaq, nunap assingani 4C7-imi tunngavigineqartoq innersuussutigalugu.

Imm. 2: Immikkoortut aqqusineeqqallu qanittumiittut atorneqartarnissaat qularnaarneqassaaq. Aqqusineeqqat sapinngisaq tamaat nunaareersumut naleqqussarneqassapput, taamaattorli tikikkuminarnissaat eqqarsaatigineqassaaq.

Imm. 3: Immikkoortumi kommunimut pilersaarummi aalajangersakkat nalinginnaasut naapertorlugit biilinut inissiisarfiliortoqassaaq.

Ataatsimut biilinit unittarfiliornermut tunngatillugu elbiilinit immiisarfissanik nappaasoqarnissaa periarfissaqassaaq.

Taamatuttaa q sikkilinit inissiivimmik qulisamik naammaginatunimik angissusilimmik pilersitsisoqassaaq.

Imm. 4: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 20,0 meterinik qaninnerusumik aqqusernermut atalersumut Pisissip aamma Hans Lyngep Aqquserngata tungaanoortut, immikkoortullu ilaanut aqqusernup qeqqanit 7,5 meterinik qaninnerusumut aqquserineqalersunut inissinneqassanngillat.

4. Nunaminertat sanaartorfigineqanngitsut sunngiffimmilu atortulersuutit

Imm. 1: Nunaminertat sanaartorfigineqanngitsut, sammisassanut aamma pinnguartarfittut, arsaaffittut assigisaannillu aneerfissatut inissinneqassapput.

Nunaminertat sanaartorfigeqqusaanngitsut uningatatit sanaartorfigineqarsinnaanngillat, taamaallaalli ingerlatsinermut pisariaqartunik illunut atuuttunut tunngasunik sanaartorfiusinnaapput.

Imm. 3: Tamakku seqerngup sammivia uningaartarfiillu pitsaassusii eqqarsaatigalugit inissinneqassapput.

Imm. 4: Nunaminertat illuliornernut, aqqusernup, aqquserneqqanut, biilinit inissiisarfinnut aamma ataatsimoorullugit uningaartarfinnut atugassiissutigineqarsimanngitsut sanaartorfigineqassanngillat aammalu uningaartarfinnut pinngortitatut isikkoqartut atugassiissutigineqassallutik.

5. Teknikkimut atortulersuutit

Imm. 1: Inissialiat nutaat pisortat innaallagissamut imermullu aqputaataannut aamma kuuffissuaataannut attavilerneqassapput.

Imm. 2: Igaffimmit uffarfimmillu imikoq aammalu annat kuuffiatigut imikoorutit tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusernup, aqquserneqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

Imm. 3: Pilersuinermit aqputit tamarmik nunap iluatigoortinneqassapput. Ledninginik inuup allap allanngortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.

Imm. 4: Immikkoortup ilaani teknikkikkut atortulersuutit immikkoortup ilaanik pilersuinermit atortut soorlu sakkortusaaviit, biilinit innaallagissamik ingerlatilinnut immiissutit assigisaallu inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq siunersiorlugu aamma atortut takussunarsaatinnagit inissinneqassapput.

6. Nunaminertat sanaartorfigineqanngitsut

Imm. 1: Illuliat nutaat sapinngisamik nunaareersumut naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.

Imm. 2: Assimi ilanngussami takutinneqartutut sanaartorfinni nunaminertanilu aqqusernup, biilinit inissiisarfinnut assigisaannullu atornerqartuni pisariaqartinneqartumik nunagissaasoqarsinnaavoq.

Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaalillutik sanaartortoqareerpat ilusaattut ilerseqqinneqarsinnaaniassammata.

<p>Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.</p> <p>Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu. Silami inaalitsisoqaqqusaanngilaq.</p>
<p>7. Eriagisassaq</p>
<p><i>Immikkut eqqarsaatigisassartaqanngilaq</i></p>
<p>8. Pinngortitap illersorneqarnissaanik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>9. Nunaleraluni nunamik atuinissamik soqutiginninnerit</p>
<p><i>Immikkut ittunik aalajangersagaqanngilaq</i></p>
<p>10. Ataatsimut atortulersuutit</p>
<p>Imm. 1: Immikkoortumi 3.3-mi biilnut inissiisarfiliornissat pillugit aalajangersakkat takukkit.</p> <p>Imm. 2: Immikkoortut 4.1 aamma 4.2. aamma 4.3-mi silami uninngaarfii pillugit aalajangersakkat takukkit.</p>
<p>11. Piginnittut peqatigiiffii</p>
<p>Imm. 1: Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).</p> <p>Imm. 2: Peqatigiiffiup aqquserngit, aqqusineqqat sanaartorfiunngitsullu isumagissavaat - tassunga atatillugu aamma ukiuunerani aserfallatsaaliinissaq - immikkoortumi sanaartorfiumut attuumassutillit.</p> <p>Imm. 3: Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu</p> <p>Imm. 4: Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigineqartassaaq.</p>
<p>12. Avatangiisunik mingutsitsinermi killissarititaasut</p>
<p>Imm. 1: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p> <p>Imm. 2: Immikkoortup ilaani illut sukisaarsarfiillu nalinginnaasumik atorneqarnerannut ataatsimoortinneqarsinnaasunik namminersorluni inuussutissarsiutit atuuffiillu assigisaat taamaallaat naleqqussarneqarsinnaapput.</p>
<p>13. Illut nukissiuutinik atuinikitsut</p>
<p><i>Immikkut ittunik aalajangersagaqanngilaq</i></p>
<p>14. Atuinissamat piumasaqaatit</p>
<p>Imm. 1: Imatut pisoqaqqaartinnagu illuliat nutaat iserterfigineqassanngillat:</p> <ul style="list-style-type: none"> • immikkoortoq 3 naapertorlugu biilnut inissiisarfiliorneq.

- immikkoortoq 4 naapertorlugu silami uninngaarfinnik pilersitsineq.
- pisortat pilersuutaannut attavilernerit.
- inaarutaasumik nunagissaanerit naammassineqarnerat.

Piffissap sanaartoriusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliussaq una 4C7-1 Mitsimmaviup qeqqa, Nuuk, matumuuna
Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Aasi Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaqq 4C7-1
Kommuneplantillæg 4C7-1

Ilanngussaq 1, Immikkoortoq 4C7
Bilag 1, Delområde 4C7
Aggusti 2017 / August 2017
Uutuut 1: 2000 / Mål 1: 2000
A4